



浙江圖書館




浙江圖書館



浙江圖書館



浙江圖書館



周禮說卷之四

地官司徒第二

館

天生乎物而成之者地也民之有道而無衆
則近於禽獸設官教而成之法象乎地之成
物而遂以名其官

圖

按司徒之文固多闕遺然參之他經而質以
此經其所掌要不出二事曰作司徒敬敷五
教此其見於書者然也曰司徒修六禮而明
七教此其見於記者然也至於詩有迺召司



空廼召司徒俾立室家之雅傳有司徒具徒
司空視塗之說而記又有升諸學者不征於
司徒之制外此惟月令有司徒巡縣鄙命農
勉作之命由是觀之則教民者固司徒職之
大務而起徒役亦莫非其職也豈惟徒役記
曰有發則命大司徒教士以車甲是雖師田
之衆亦其所作矣

惟王建國辨方正位體國經野設官分職以爲
民極乃立地官司徒使帥其屬而掌邦教以佐

土安擾邦國

安擾爲教之道也。惇典庸禮，使各順其常，謂之安仁。漸義摩使，自得其性，謂之擾教。卽書之舜命契曰：百姓不親，五品不遜，敬敷五教，在寬。而孟子曰：教以人倫，父子有親，君臣有義，夫婦有別，長幼有序，朋友有信，勞之來之，匡之直之，輔之翼之，又從而振德之。葉氏曰：詳考其職，先曰以土會之法，辨五物之地，生繼之曰：因此五物者，民之常而施，十有二教。

焉以此推之則司徒之教可知矣蓋有恒產者有恒心無恒產者無恒心故司徒教民必先有以得地利而後可以淑人心以五會辨五地之物生順民物也以土宜辨十有二土宅民居也以土宜辨十有二壤教稼穡也以土均辨五物九等均地征也以土圭測日景求地中定民極也制邦國之封疆正畿封也造都鄙之地域建田疇也如是則地利可得矣地利既得於是合五家爲比使之相保至

五州爲鄉使之相賓所以聯其居又頒職事

矣地利既得於是合五家爲比使之相保至

五州爲鄉使之相賓所以聯其居又頒職事
十有二于邦國都鄙使以登萬民所以厚其
俗如是則人心可淑矣人心既淑然後十二
教可以施鄉三物可以施五禮可以防僞而
教之中六樂可以防情而教之和正月教象
可以使之立正觀矣如此則五教不待敷而
自敬五典不待敷而自和若是而猶有不率
教之民則以鄉八刑而糾之又有不服教而
興獄訟者則聽而斷之歸于司寇士師之官

是又以過人欲而存天理也參考司徒一職
雖其條目布置先後不一而教民之時使民
相生相愛之其實參錯而並施也其餘六十
官屬雖曰整頓田疇分畫郊里征歛賦役掌
管山川紀綱門市鬻鑄倉廩而先王之教已
流行乎其中豈特倚師保六七人而已哉後
世王制不明民極不立聽其自生自養相乃
相劇而君臣之間方以化民成俗爲學校之
事而付之有司謂是足以塞吾教職之責上

爲文具下爲觀美相與爲欺而已

爲文具下爲觀美相與爲欺而已

教官之屬大司徒卿一人小司徒中大夫二人
鄉師下大夫四人上士八人中士十有六人旅
下士三十有二人府六人史十有二人胥十有
二人徒百有二十人

鄉老鄉大夫州長黨正族師閭胥比長封人

鼓人舞師牧人牛人充人載師閭師

縣師遺人均人師氏保氏司諫司救調人

媒氏司市質人廛人胥師賈師司藪

司稽胥

肆長泉府司門司關司節

遂人

遂師遂大夫縣正鄙師鄴長里宰鄰長旅師稍

人委人士均草人稻人

土訓誦訓

山虞

林衡川衡澤虞迹人蚝人角人羽人掌葛掌染

草掌炭掌荼掌蜃圉人場人

廩人舍人倉

人司祿司稼舂人饔人橐人

王氏曰地道主任養萬物故地官之屬七十

五主教養萬民士農工商四民盡乎民矣六

鄉多士故鄉大夫之屬詳於教六遂多農故

遂人而下詳於養市商也司市而下治商人

鄉多士故鄉大夫之屬獨詳於教六遂多農故

遂人而下詳於養市商也司市而下治商人
之教工則見於冬官師保氏主輔王躬及教
其左右司諫司救董畿內之教也地之所生
莫大於土載師任土也土均均人平土也封
人制畿封之土虞衡主山林川澤之土門關
守土者也倉廩土地所出牧人蕃育犧牲土
所產也牛土畜六十屬皆邦本之事地載象
也

大司徒之職掌建邦之土地之圖與其人民之

數以佐王安擾邦國

官

以天下土地之圖周知九州之地域廣輪之數
辨其山林川澤丘陵墳衍原隰之名物而辨其
邦國都鄙之數制其畿疆而溝封之設其社稷
之壇而樹之田主各以其野之所宜木遂以名
其社與其野

前土地圖爲人民之數而言之此土地圖據
十等土地而言也東西爲廣南北爲輪水厓
曰墳下平曰衍辨其邦國者謂分別畿外諸

侯邦國多少之數若王制云畿外八州州二

日廣下平日衍辨其邦國者謂分別畿外諸
侯邦國多少之數若王制云畿外八州州二
百一十國也辨其都鄙之數者謂分別畿內
三等采地之數若王制畿內九十三國也制
其畿疆者王畿內千里中置王城面有五百
里其邦國都鄙亦皆有畿界也溝封之者謂
於疆界之上設溝溝爲封樹以爲阻固也設
其社稷之壇者謂於中門之外右邊設大社
大稷王社王稷又於廟門之屏設勝國之社
稷其社稷外皆有遺堦於四面也而樹之田

周禮疏 卷之四
主者謂籍田之內依樹木而爲田主各以其
野之所宜木者總據邦國都鄙并王者而言
遂以名其社與其野者謂假令以松爲社則
名松社之野皆放此

葉氏曰小宗伯建國之神位右社稷左宗廟
有國則有社稷矣古者立君則曰奉社稷取
女則曰共社稷死國則曰死社稷去國則曰
去社稷社稷之重亦明矣是故大司徒辨制
邦國都鄙之畿疆而首設社稷之壇小司徒

凡建邦國立其社稷正其畿疆封人掌設王之社壝而樹之凡封國則必設社稷之壝造都邑亦如之以此見王畿都鄙邦國皆有社稷矣

以土會之法辨五地之物生一曰山林其動物宜毛物其植物宜早物其民毛而方二曰川澤其動物宜鱗物其植物宜膏物其民黑而津三曰丘陵其動物宜羽物其植物宜覈物其民專而長四曰墳衍其動物宜介物其植物宜筴物

其民皙而瘠五曰原隰其動物宜羸物其植物
宜叢物其民豐肉而庠

地有五等所生無過動植及民耳五地人物
之等皆方以類聚物以群分及民之所生皆
因地氣所感不同故使形類有異也山林得
木之氣川澤得水之氣丘陵火墳衍金原隰
土

因此五物者民之常而施十有二教焉一曰以
祀禮教敬則民不苟二曰以陽禮教讓則民不

爭三曰以陰禮教親則民不怨四曰以樂禮教

祀禮教敬則民不苟二曰以陽禮教讓則民不
爭三曰以陰禮教親則民不怨四曰以樂禮教
和則民不乖五曰以儀辨等則民不越六曰以
俗教安則民不偷七曰以刑教中則民不越八
曰以誓教恤則民不怠九曰以度教節則民知
足十曰以世事教能則民不失職十有一曰以
賢制爵則民慎德十有二曰以庸制祿則民興
功

五方風氣不同民主其間異俗而性習固有
常也聖人因而施十有二教則齊民之術使

不囿于風氣所謂一道德以同俗也唐虞司徒敷五教而周司徒施十有二教蓋五教舉其綱十二教詳其目五教端其本十二教兼其末其教敬讓親和辨等德禮也教安中以下刑政也人情惰慢則事皆苟且祀禮教民報本反始此立敬之道故不苟飲射禮在門外曰陽皆以讓爲禮則民貴德賤力而不爭冠昏禮在門內曰陰親成男女則無怨曠樂之節奏比于禮主和同民心故不乖儀謂以

之節奏比于禮主和同民心故不垂儀謂以

卑事尊之儀文足以辨貴賤之等差則民知
上下之分而不敢踰越俗謂因其舊俗而教
之所謂以本俗安萬民則民安之而不偷朝
不謀夕曰偷士制百姓于刑之中所以禁民
越亂而民不越以誓教恤者如軍旅之誓使
之相救而恤其事所以不怠宮室車服之度
以上下有等以度教節則民無侈心而自知足
士農工商之業子孫相傳以世事教能則世
傳厥習而不失職以賢制爵而不及於惡德

以庸制祿而不加於無功二者雖不言教然使民慎德興功是亦教之也

以土宜之法辨十有二土之名物以相民宅而
知其利害以阜人民以蕃鳥獸以毓草木以任
土事辨十有二壤之物而知其種以教稼穡樹

藝

十二土分野十二邦土繫十二次精氣通也
相占視也以土宜相民宅知其耗息殷阜瘞
疢之故爲之興利除害焉柔土曰壤以萬物

自生言曰土土吐也以人所耕藝言曰壤

自生言曰土土吐也以人所耕藝言曰壤廢
穰也春種曰稼秋斂曰穡辨十二壤之物者
分別物之所生而知其殖之種遂卽以教民
春稼秋穡以樹其木以藝其黍稷也

以土均之法辨五物九等制天下之地征以作
民職以令地貢以斂財賦以均齊天下之政

土圭玉爲之長尺有五寸所以致四時日月
之景者測猶度也不知深故曰測其法以夏
至晝漏半而置之日中立八尺之表其景適

與土圭等爲地中景短於土圭是其地面南
日恒炤而多暑景長於土圭是其地面北日
不及而多寒景在表東東嚮日中時景已如
夕而地多風景在表西是西嚮日中時景尚
如朝而其地多陰置五表於四方四表未得
所求今於中表夏日至亦晝漏半立八尺之
表表北得景尺有五寸景與土圭等謂之地
中於此地中之所天地之所合也天地合配
萬物乃生四時之所交也言夏與春交秋與

夏交冬與秋交春與冬交風雨之所會也風

萬物乃生四時之所交也言夏與春交秋與
夏交冬與秋交春與冬交風雨之所會也風
雨所至會合人心陰陽之所和也冬無愆陽
夏無伏陰是其和也如是四事得所則百物
盛安於此盛安之處乃立王之國域焉制其
畿方千里者王畿千里以象日月之大中置
國城面各五百里於畿疆之上而作深溝土
在溝上謂之封封上樹木以爲阻固故云封
樹之

按春官典瑞掌土圭以致四時封國則以土

地夏官土方氏掌土圭之法以土地相宅而
建邦國都鄙考工記玉人亦曰土圭尺有五
寸以致日以土地則是王畿之外邦國都鄙
無不以土圭求地中蓋中在天地間不容以
定名也一家有一家之中一國有一國之中
天下有天下之中先王建國亦隨其地而求
其中爾天地陰陽之氣豈以一方而遂窮耶
聖人財成輔相亦豈有一方而不中耶

凡建邦國以土圭土其地而制其域諸公之地

封疆方五百里其食者半諸侯之地封疆方四

凡建邦國以土圭土其地而制其域諸公之地
封疆方五百里其食者半諸侯之地封疆方四
百里其食者三之一諸伯之地封疆方三百里
其食者三之一諸子之地封疆方二百里其食
者四之一諸男之地封疆方百里其食者四之

一

鄭謂土其地者度地正四方也葉氏曰成周
封國之制在王制孟子武成周禮自有明文
第說者不察爾王制曰公侯皆方百里孟子
曰公侯地方百里伯子男皆以是差等蓋王

制言王者之制爵祿故以分田制祿言孟子
言周室之班爵祿故以分地制祿言武成以
分土對列爵言之是亦以分土制祿言之也
周禮則不然諸公之地以封疆言則五百里
至諸男之地以封疆言則百里是以封疆所
至之地言之故有五等也公之封疆雖五百
里而受田食祿則百里而已侯伯封疆雖四
百里二百里而受田食祿則七十里而已子
男則五十里而已如今之郡縣大小各有差

而俸秩乃其祿也食邑多寡各有數而實封

男則五十里而已如今之郡縣大小各有差
而俸秩乃其祿也食邑多寡各有數而實封
乃其所食之祿也以封疆言則五等以食祿
言則三等此其所以不同歟

凡造都鄙制其地域而封溝之以其室數制之
不易之地家百畝一易之地家二百畝再易之
地家三百畝乃分地職奠地守制地貢而頒職
事焉以爲地法而待政令

都鄙王弟子公卿大夫采地制其地域者案
載師職家邑任稍地小都任縣地大都任疆

地又小司徒職云四丘爲甸四甸爲縣四縣
爲都家邑二十五里小都五十里大都百里
是造都鄙制其地域也以其室數制之者依
其城內室數於四野之中制地與之邦國主
分地故度地制域都鄙主治民故度地居民
不易之地歲常種而地力不竭上地也人一
夫百畝休一歲而種者爲一易中地休二歲
而種者爲再易下地法地廣六尺半爲晦半
爲畎廣尺深尺與壟相間今歲播種畎中明

歲休其力以畎爲隴歲更代則地力完苗稍

爲畝廣尺深尺與壟相間今歲播種畝中明
歲休其力以畝爲壟歲更代則地方完苗稍
長則耨草因墮土以附苗根比草盡壟平則
根深耐風與旱此謂一易之地再易者地力
益磽間二壟爲畝如上事也分職分其九職
所宜大宰所謂三農生九穀之類是也定地
守如左傳所云山林之木衡麓守之澤之萑
蒲舟鮫守之藪之薪蒸虞侯守之海之鹽蜃
祈望守之是也制地貢謂九職所稅也頒職
事者分命使各爲其所職之事如邦國都鄙

甸稍縣都之職事葉氏曰鄭謂此造都鄙制
異於鄉遂非也井牧之制通天下邦國之田
制尚如六鄉都鄙之田制獨與六遂異乎都
鄙不易之地卽上地一易之地卽中地再易
之地卽下地特遂人於采邑加萊田爾經野
不殊乎九夫度地不離乎三等受田不過乎
百畝固井田之定制也

以荒政十有二聚萬民一曰散利二曰薄征三
曰緩刑四曰弛力五曰舍禁六曰去幾七曰青

曰緩刑四曰弛力五曰舍口林示六曰去幾七曰青

禮八曰殺哀九曰蕃樂十曰多昏十有一曰索

鬼神十有二曰除盜賊館

年饑民散故有救荒之政以聚之散利發粟

賑貸也薄征輕租稅也緩刑以歲凶犯法者

多故寬之也弛力以民饑堪役者少故息之

也舍禁舍山澤之禁與民同利去幾去關市

之譏使百貨通青禮掌客所謂凶荒殺禮者

也殺哀謂凶禮之中殺其禮數蕃樂謂閉藏

樂器而不作多昏不備禮而昏娶者多也索

鬼神謂搜索鬼神而祈禱之除盜賊饑饉則盜賊多不可不除絕亂源也

陸象山曰社倉固爲農之利然年尚豐田常熟則其利可久一遇歉歲則有散無斂來歲闕種糧時乃無以賑之莫若兼置平糶一倉豐時糶之使無價賤傷農之患闕時糶之以摧富民閉廩騰價之計析所糶爲二每存其一以備歉歲代社倉之匱實爲長利也

以保息六養萬民一曰慈幼二曰養老三曰振

窮四曰恤貧五曰寬疾六曰安富

保息謂安之使蕃息也慈幼如產子三人與
之母二人與之餼十四以下不從征養老七
十養於鄉五十異糶之屬振窮振捄天民之
窮者也窮者有四曰矜曰寡曰孤曰獨恤貧
貧無財業廩貸之寬疾若今癘不可事不筭
卒可事者半之也安富平其繇役不專取

以本俗六安萬民一曰媿宮室二曰族墳墓三
曰聯兄弟四曰聯師儒五曰聯朋友六曰同衣

服

本俗舊俗也不依舊俗創立制度則民不安
宮室美則人重遷族類同葬則人知重本人
情本同類而相親無以聯之亦離聯之兄弟
以合同姓之好聯之朋友以合異姓之義設
以庠序尊以師儒使之相宗則內外相維固
結而不可解而又衣食之制使之相同習熟
不見異服而遷其志則亦莫非相安相生之
道也

正月之吉始和布教于邦國都鄙乃縣教象之

正月之吉始和布教于邦國都鄙乃縣教象之法于象魏使萬民觀教象挾日而歛之乃施教法于邦國都鄙使之各以教其所治民令五家爲比使之相保五比爲閭使之相受四閭爲族使之相葬五族爲黨使之相救五黨爲州使之相調五州爲鄉使之相賓

五家比次保任不得爲非二十五家同居出入互相容受百家同宗一家有喪百家助之二千五百家爲州有無相調通其匱乏萬二

千五百家爲鄉六鄉中有賢能者合衆論賓
興之

頒職事有十二于邦國都鄙使以登萬民一曰
稼穡二曰樹藝三曰作材四曰阜蕃五曰飭材
六曰通財七曰化材八曰斂材九曰生材十曰
學藝十有一曰世事十有二曰服事

一曰稼穡已下至九曰生材已上卽大宰九
職中九者是也大宰旣掌之此又重掌者以
大宰尊官總知其事此司徒是主民之官親

自頒行義各有異也學藝謂講習道藝民材

大宰尊官總知其事此司徒是主民之官親
自頒行義各有異也學藝謂講習道藝民材
所由興也世事謂世守先業民志所由定也
服事謂服勤公家不敢游惰以偷生也

以鄉三物教萬民而賓興之一曰六德知仁聖
義忠和二曰六行孝友睦婣任恤三口六藝禮
樂射御書數以鄉八刑糾萬民一曰不孝之刑
二曰不睦之刑三曰不婣之刑四曰不弟之刑
五曰不任之刑六曰不恤之刑七曰造言之刑
八曰亂民之刑以五禮防萬民之僞而教之中

以六樂防萬民之情而教之和凡萬民之不服
教而有獄訟者與有地治者聽而斷之其附于
刑者歸于士

教民以三事既成則鄉大夫舉其賢者能者
以鄉飲酒之禮賓客之可以成人材而阜民
俗矣其有不從教者則有刑以糾之糾割也
察也察取鄉中八種之過而斷割其罪也不
弟謂不敬師長造言訛言惑衆亂民亂名改
作執左道以亂政也此害六行之教者以二

者之刑而列于八刑之後則六行之教修矣

者之刑而列于八刑之後則六行之教修矣
人僞勝則流于不中禮以制中所以節止民
之侈僞而使其行得中人情滋則流于不和
樂以導和所以蕩正民之情思使其心應和
禮樂其教民之本也五禮吉凶軍賓嘉六樂
雲門咸池大韶大夏大濩大武禮樂之教行
而民猶有不服教者爭罪曰獄爭財曰訟不
忍遽加刑也與鄉州都鄙官有其地者聽而
斷之易得實也必其果麗于五刑然後歸之

士師蓋鄉刑教刑也有罪而歸于士則官刑也

祀五帝奉牛牲羞其肆享先生亦如之大賓客
令野修道委積大喪帥六鄉之衆度屬其六引
而治其政令大軍旅大田役以旗致萬民而治
其徒度之政令若國有大故則致萬民於王門
令無節者不行於天下大荒大札則令邦國移
民通財舍禁弛力薄征緩刑歲終則令教官正
治而致事正歲令于教官曰各共爾職修乃事

以聽王命其有不正則國有常刑

以聽王命其有不正則國有常刑

祀五帝者四時迎氣于四郊及總享五帝于
明堂卽大司徒奉牛牲又羞其肆者于俎上
進所解牲體于神坐前也大賓客諸侯來朝
者令令遺人爲之修治道塗及委積芻薪米
禾之類以待賓客少曰委多曰積按遺人云
十里有廬廬有飲食三十里有宿宿有路室
有委五十里有候館有積引引喪車索也六
鄉主六引六遂主六紼六鄉近于衆庶七萬

五千家進取一千人致之使爲挽樞之役治
政令部署檢校使不亂也司徒主徵衆預刻
集日至期樹旗期民于其下大故謂寇戎之
事致民王門備不虞令有節者乃得行防姦
私也大饑大疫移民以就食移粟以給老稚
歲終令教官之屬上計冢宰以聽其廢置魏
氏曰天下之治必從其抵是故民制起於比
閭鄰里田制起於井邑丘甸兵制起於伍兩
卒旅學校之制起於鄉舉里選從其抵也苟

治無根抵而求天下之平是累九層之臺而

卒旅學校之制起於鄉舉里選從其抵也苟
治無根抵而求天下之平是累九層之臺而
弗爲基也其可乎

小司徒之職掌建邦之教法以稽國中及四郊
都鄙之夫家九比之數以辨其貴賤老幼廢疾
凡征役之施舍乃頒比法於六鄉之大夫使各
登其鄉之衆寡六畜車輦辨其物以歲時入其
數以施政教行徵令及三年則大比大比則受
邦國之比要

賈氏曰言掌建者非但副貳大司徒亦專其

事也國中四郊皆六鄉之民所居併言都鄙兼主采地言之征役之施舍凡征稅徭役貴與老幼廢疾不利役故言弛也祭祀鄉州祭社黨祭禘族祭步飲食若鄉飲酒及族食喪紀若四閭爲族使之相葬等禁令祭祀已下皆有禁令不使失禮法按九比者夫家有上中下三等三而三之是謂九比也比法卽此九比之數與施舍禁令也小司徒以此法頒與六鄉之大夫登定也衆寡謂人民人挽曰

輦家財爲物鄉大夫錄其數於小司徒小司

與六鄉之大夫登定也衆寡謂人民人挽口

輦家財爲物鄉大夫錄其數於小司徒小司徒依其數而施行焉要謂其簿每三年大比戶口則小司徒受天下邦國所送之簿書也乃會萬民之卒伍而用之五人爲伍五伍爲兩四兩爲卒五卒爲旅五旅爲師五師爲軍以起軍旅以作田役以比追胥以令貢賦

小司徒佐大司徒以掌六鄉者六軍之士出自六鄉預配定卒伍爲軍旅田役之用凡起徒役無過家一人五家爲比故出五人爲伍

以至萬二千五百家爲鄉故出萬二千五百人爲軍居則爲比閭族黨州鄉之民行則爲伍兩卒旅師軍之衆此先王因農事而定軍令欲其恩足相恤義足相救服容相別音聲相識也役功力之事追逐寇也胥伺捕盜賊也王氏曰比閭族鄙州鄉者屬民而教之之法有家則在所教也伍兩卒旅師軍者屬民而用之之法有勇力會而用之也行伍之人及所統之吏必平時會而聯之以待用然後

等分足相維忠愛足相固有事則服容相別

及所統之吏必平時會而聯之以待用然後
等分足相維忠愛足相固有事則服容相別
音聲相識患難足相救所以能相安也此其
於比閭之法有並行而不悖者今謂比閭之
民與其長卽伍兩之兵與其將豈其然乎

乃均土地以稽其人民而周知其數上地家七
人可任也者家三人中地家六人可任也者二
家五人下地五人可任也者家二人凡起徒役
毋過家一人以其餘爲羨唯田與追胥竭作凡
用衆庶則掌其政教與其戒禁聽其辭訟施其

賞罰誅其犯命者凡國之大事致民大故致餘
子

上稽民數制軍之法此稽田數起役之法可
任謂男子可任征役者餘蓋以力田也小司
徒既制上中下地使得均平卽據土地計考
其人民可任不可任之數上地肥美易力作
故一家可任者三人中地費人工加倍故二
家可任者五人下地費人工再倍故一家可
任者二人凡起徒役一家兄弟雖多除一人

爲正卒外其餘皆爲羨卒羨優饒之也惟逐

任者一人凡起徒役一家兄弟雖多除一人
爲正卒外其餘皆爲羨卒羨優饒之也惟逐
寇伺捕湏人多非直正卒一人羨卒盡行以
上所用衆庶皆是六鄉之民小司徒主教六
鄉則衆是已民故用衆時掌其政教與其戒
禁又聽斷其賞罰誅責其犯命者大事謂戎
事大故謂災寇致民謂當徵召會聚餘子卿
大夫之子當守于王宮者蓋與太子使宿衛
也

乃經土地而井牧其田野九夫爲井四井爲邑

四邑爲丘四丘爲甸四甸爲縣四縣爲都以任
地事而令貢賦凡稅斂之事乃分地域而辨其
守施其職而平其政

書

春秋傳曰井衍沃牧隰臯衍沃地形寬平畫
井而形正方隰臯地形高下則十夫共溝取
相補乃足也此泛言經土地而井牧田野爾
鄭氏則曰此謂造都鄙也采地制井田異於
鄉遂非也田謂之井則通天下皆井矣井邑
丘乘縣都之制無往不同井方一里凡九夫

受田九百晦邑方四里二十六夫受田二千

丘乘縣都之制無往不同井方一里凡九夫

受田九百畷邑方四里三十六夫受田三千
六百畷丘方十六里百四十四夫受田萬四
千四百畷甸方六十四里五百七十六夫受
田五萬七千六百畷縣方二百五十六里二
千三百有四夫受田二十三萬四百畷都方
一千二十有四里九千二百十六夫受田九
十二萬一千六百畷中爲公田之數在內自
井而邑至縣而都欲其聯而可稽也經野不
殊乎九夫度田不離乎三等受田不過乎百

晦此井田之定制也大司徒曰經土地則舉內以見外以見內也小司徒曰經土地則舉內以見外也遂人曰辨野之士則舉遂以見鄉也司馬曰令賦則舉鄉以見遂也匠人曰溝洫則舉內外並言也鄭氏何見而分都鄙鄉遂之異乎地事謂農牧衡虞也貢謂九穀山澤之材也賦謂出車徒給徭役也周人因井田以制軍賦按周禮稍人掌丘乘之法是四邑爲丘十有六井百四十四家共出車一乘矣以

丘乘之法推之則甸四乘縣十六乘都六十

丘乘之法推之則甸四乘縣十六乘都六十
四乘其車乘之賦可知也六軍共七萬五千
人只此八都受田之夫供之八都共車五百
一十二乘以供六軍之用亦豈爲多乎分地
域謂建邦國造都鄙制鄉遂各有營域遠近
疆界辨其守謂山川之類使衡虞守之是也
職謂九職政當作征税也

凡小祭祀奉牛牲羞其肆小賓客令野修道委
積大軍旅帥其衆庶小軍旅巡役治其政令大

喪帥邦役治其政教

官

小祭祀王玄冕所祭者小賓客諸侯之使臣
大軍旅則帥其衆庶而致于大司徒小軍旅
則于小力役之事而巡行之大喪役如正棺
引窆復土衆庶役使之事則治其政教

凡建邦國立其社稷正其畿疆之封

建畿外諸侯之國各爲之立社稷正其九畿
之疆界封樹以爲阻固

凡民訟以地比正之地訟以圖正之

凡民爭是非正以地之比鄰爭疆界徵以國

凡民訟以地比正之地訟以圖正之

凡民爭是非正以地之比鄰爭疆界徵以國
之版圖

歲終則攷其屬官之治成而誅賞令群吏正要
會而致事正歲則帥其屬而觀教法之象狗以
木鐸曰不用法國有常刑令群吏憲禁令修法
糾職以待邦治及大比六鄉四郊之吏平教治
正政事攷夫屋及其衆寡六畜兵器以待政令
日計言成專言日成治功必積日而成也四
郊之吏吏在四郊內主民事者夫三爲屋屋

三爲井三三相保以出地貢不得隱誤

鄉師之職各掌其所治鄉之教而聽其治以國
比之法以時稽其夫家衆寡辨其老幼貴賤廢
疾馬牛之物辨其可任者與其施舍者掌其戒
令糾禁聽其獄訟大役則帥民徒而至治其政
令旣役則受州里之役要以攷司空之辟以逆
其役事凡邦事令作秩叙

六鄉天子首善之地鄉師領之二人共主三
鄉分左右也自鄉大夫以下至伍長皆聽命

焉爲聽其六治者審察其教法之修廢也國比之

鄉分左右也自鄉大夫以下至伍長與日聽命

焉聽其治者審察其教法之修廢也國比之法卽小司徒之九比也可任者卽上地家三人之類施舍謂免役卽上老幼廢疾之類政令卽帥民徒之政令役要遣役之本數也辟令役之章程也卽州里遣役之本數以攷司空令役之章程防役濫也邦事凡功力之事皆出政令使多少有常事有次序是于役衆之中亦寓軍伍之政馭衆不難矣司徒掌教而與役事者使民好義以終其事無非教也

大祭祀羞牛牲共茅菹夫軍旅會同正治其徒
役與輦輦戮其犯命者大喪用役則帥其民而
至遂治之及葬執纛以與匠師御匱而治役及
窆執斧以涖匠師

菹士虞禮所謂苴刈茅長五寸束之者也祝
設于几東席上命佐食取黍稷祭于苴三取
膚祭祭如初六軍之外別有民徒使役皆出
于鄉輦駕馬所以載輜重輦所以載任噐皆
鄉師治之徒役之中有犯教令者亦鄉師刑

戮之大喪及葬鄉師主役匠師主衆匠共主

鄉師治之徒役之中有犯教令者亦鄉師刑

戮之大喪及葬鄉師主役匠師主衆匠共主
葬引纛葆幢也鄉師執之却行在柩車之前
以與匠師御柩防傾覆也及窆至壙下棺之
時鄉師執斧以蒞匠師匠師主衆匠下棺或
不得其所須用斧也

凡四時之徵令有常者以木鐸徇于市朝以四
時巡國及野而調萬民之囂阨以王命施惠歲
終則攷六鄉之治以詔廢置正歲稽其鄉噐比
共吉凶二服間共祭噐族共喪噐黨共射噐州

共賓噐鄉共吉凶禮樂之噐若國大比則攷教
察辭稽噐展事以詔誅賞

有常者如四時之田獵與月令所行也鄉師
以其徵令各于其鄉以木鐸警戒巡于市朝
使民知之歲時者隨其事之時不必四時也
囂阨饑乏也鄉師巡于國及至野外調給萬
民之有囂阨者吉服者祭服也凶服者弔服
也比長主集爲之祭噐者簠簋鼎俎之屬閭
胥主集爲之喪噐者夷槃素俎楛豆軼軸之

屬族師主集爲之此三者民所以相共也射

屬族師主集爲之此三者民所以相共也射
噐者弓矢楅中之屬黨正主集爲之爲州長
或時射於此黨也賓噐者尊俎笙瑟之屬州
長主集爲之爲鄉大夫或時賓賢能於此州
也吉噐若間祭噐者也凶噐若族喪噐者也
禮樂之噐若州黨賓射之噐者鄉大夫備集
此四者爲州黨族間有故而不共也此鄉噐
者旁使相共則民無廢事上下相補則禮行
而教成三年大比之時則鄉師考教學之官

知其道藝進不察辭者視官中之吏辭之虛
實稽噐者謂考鄉中禮樂兵器之等展事者
謂行事展省視之知其善惡詔告之在上善
者賞之惡者誅之

葉氏曰六鄉之官凡一萬八千九百三十六
人六鄉七萬五千家而祿萬有八千餘官說
者多疑其不給不知鄉老且以三公兼之鄉
大夫則以六卿兼之其他中下大夫必以朝
臣兼之比長閭胥族師之士亦必以六鄉之

民爲之如鄉大夫所謂使民興賢出使長之

臣兼之比長閭胥族師之士亦必以六鄉之
民爲之如鄉大夫所謂使民興賢出使長之
是也况自鄉大夫而下並無府史胥徒六遂
之官皆然其不設局可知矣然嘗疑之鄉官
列於鄉師之下而遂官列於市官之後何其
不相聯也且遂官以歲時登其夫家衆寡及
六畜車輦則如鄉辨其老幼廢疾與其施舍
可任者則如鄉軍旅田役之致民者亦如鄉
賓客祭祀之共給者亦如鄉歲終之會政致
事者亦如鄉而司徒之教飲曰鄉飲射曰鄉

射賓興曰鄉三物糾民曰鄉八刑歲時邦法
之讀德行道藝之選友弟睦婣任恤之書惟
及鄉而不及遂先王何詳於六鄉之教而獨
畧於六遂邪孟子曰無君子莫治野人無野
人莫養君子在六遂者土則曰野民則曰疇
牲曰野牲職曰野職道曰野道役曰野役賦
曰野賦周人爲是先後詳畧之叙者所以別
野人也不然鄉大夫之職辨夫家之可任者
也國中則自七尺以及六十晚賦而早免之

野則自六尺以及六十有五早賦而晚免之

也國中則自七尺以及六十晚賦而早免之
野則自六尺以及六十有五早賦而晚免之
何亦分爲早晚之別邪雖然官皆王官民皆
王民先王未嘗以內外殊觀也觀小司徒掌
建邦之教法以稽國中四郊都鄙夫家九比
之數則王畿千里之地皆同此教法亦何有
鄉遂之別乎是故鄉大夫三年大比則考其
德行道藝而興賢者能者遂大夫三歲大比
則帥其吏而興厠明其有功屬其地治者有
功地治雖非德行道藝之考而鄭氏以爲舉

民賢者能者亦如六鄉之爲則其所以待六
遂之人才猶其待六鄉之人才也愚故曰觀
周人三物之教詳於鄉而畧於遂則知先王
不易俗而修教觀周人三年之比賓於鄉而
興於遂則知先王不以地而棄才

鄉大夫之職各掌其鄉之政教禁令正月之吉
受教法于司徒退而頒之于其鄉吏使各以教
其所治以致其德行察其道藝以歲時登其夫
家之衆寡辨其可任者國中自七尺以及六十

野自六尺以及六十有五皆征之其舍者國中

家之衆寡辨其可任者國中自七尺以及六十
野自六尺以及六十有五皆征之其舍者國中
貴者賢者能者服公事者老者疾者皆舍以歲
時入其書三年則大比攷其德行道藝而興賢
者能者鄉老及鄉大夫帥其吏與其衆寡以禮
禮賓之明鄉老及鄉大夫群吏獻賢能之書于
王王再拜受之登于天府內史貳之退而以鄉
射之禮五物詢衆庶一曰和二曰容三曰主皮
四曰和容五曰興舞此謂使民興賢出使長之
使民興能入使治之歲終則令六鄉之吏皆會

政致事正歲令群吏攷法于司徒以退各憲之於其所治之國大詢于衆庶則各帥其鄉之衆寡而致於朝國有大故則令民冬守其閭以待政令以旌節輔令則達之

鄉師朝廷之命官鄉大夫以下則里中之賢者而出使長之也政謂稽噐屬徒之政教謂德行道藝之禁令如八刑之糾民是也每歲之首司徒頒教法而鄉大夫受之退則頒于所屬而州長黨正族師閭胥比長受之各以

教其所治之民而考察其所成辨其可任辨

所屬而州長黨正族師閭胥比長受之各以
教其所治之民而考察其所成辨其可任辨
其強壯可任以事者也郊門以內謂之國中
郊門以外謂之野國中之民晚征而早舍以
地近而役多故也郊外之民早征而晚舍以
地遠而役少故也其舍而不征者有六皆復
除不任役事也入其書者言於大司徒也三
年大比民數之時則攷其德行道藝而舉其
賢能鄉之三公六卿及州長以下與六鄉之
民以鄉飲酒之禮而賓接之賓與之明日獻

賢能之書于王以待官使王拜受之者重得
賢能也登于天府者蓋崇重與寶玉同也內
史書其副以詔王爵祿之也鄉老附於鄉大
夫之內每二鄉則公一人蓋望尊而事簡故
不設屬也鄉大夫既獻賢能之書歸而合其
民於鄉射詢問於衆而求其人以儲養而待
舉焉和內志正也容外體直也主皮持弓矢
審固也和容容體比于禮也興舞節奏比於
樂也此謂總上文賓興而言是乃所謂使民

自舉其賢因出之使長民以任其教使民自

樂也此謂總上文賓興而言是乃所謂使民
自舉其賢因出之使長民以任其教使民自
舉其能因入之使治民以任其事也教卽德
行道藝之教事卽貢賦田役之事鄭云爲政
以順民爲本是大詢者詢國遷詢立君之
類令民各守其閭使民保其所居以防不虞
也徵發雖有號令無節則不達防矯僞也先
王慮患備亂之意深矣

州長

每州中大
夫一人

各掌其州之教治政令之法正

月之吉各屬其州之民而讀法以攷其德行道

藝而勸之以糾其過惡而戒之若以歲時祭祀
州社則屬其民而讀法亦如之春秋以禮會民
而射于州序凡州之大祭祀大喪皆蒞其事若
國作民而師田行役之事則帥而致之掌其戒
令與其賞罰歲終則會其州之政令正歲則讀
教法如初三年大比則大攷州里以贊鄉大夫
廢興

二千五百家爲州州長所掌治教政令之法
卽所謂三物八刑之屬受于鄉大夫者也讀

法者讀此而已因聚衆而勸戒之者欲其爲

法者讀此而已因聚衆而勸戒之者欲其爲善而去惡也歲時謂春秋二時春祭社以祈膏雨望五穀豐熟秋祭以百穀豐稔所以報功序州黨之學也會民而射所以正其志也以禮者先行鄉飲酒之禮乃射也春秋二時既會其民而讀法又會其民而習射皆所以教之也州之大祭唯有二社大喪三公卿大夫之喪也師謂征伐田謂蒐狩行謂巡行役謂徒作四者有天子之命則帥其民而致之

於司徒也廢退也興進也不曰誅賞者鄉大夫之教民也興賢能廢愚不肖而已至於誅賞則大司徒與王之事也

黨正

每黨下大夫一人

各掌其黨之政令教治及四時

之孟月吉日則屬民而讀邦法以糾戒之春秋

祭祭亦如之國索鬼神而祭祀則以禮屬民而

飲酒于序以正齒位一命齒于鄉里再命齒于

父族三命而不齒凡其黨之祭祀喪紀婚冠飲

酒教其禮事掌其戒禁凡作民而師田行役則

以其法治其政事歲終則會其黨正帥其吏而

酒教其禮事掌其戒禁凡作民而師田行役則
以其法治其政事歲終則會其黨正帥其吏而
致事正歲屬民讀法而書其德行道藝以歲時
涖校比及大比亦如之

五百家爲黨治治職文書以四孟月讀法彌
親民者於教亦彌數州長唯有建子建寅及
春秋祭社四度讀法黨正四孟及春秋祭禴
並正歲一年七度讀法傳曰水旱疫癘之不
時於是乎禴之於此糾戒異乎祭社之常禮
也在州長則詳於教而略於政在黨正則詳

於政而明於教也國索鬼神謂十二月大蜡也蜡之爲言索也郊特牲合聚萬物之神而索饗之正齒位者鄉飲酒義所謂五十者立六十者坐六十者三豆七十者五豆八十者六豆是也必正之者爲民三時務農將闕於禮至此農隙而教之尊長養老見孝弟之道也然此蜡祭之禮以其正齒位禮在蜡月故言之以爲節當飲酒於序之時民內有爲一命已上必來觀禮故湏言其坐之處齒於鄉

以年與衆實相次齒於父族父族有爲實者

命已上必來觀禮故須言其坐之處齒於

以年與衆賓相次齒於父族父族有爲賓者
以年與之相次異姓雖有老者居於其上不
齒者席於尊東所謂遵鄉飲酒鄉射皆酒尊
在室戶東房西賓主夾之鄉人爲卿大夫來
觀禮爲鄉人所遵法謂之爲遵席位在酒尊
東三命則其爵隆抑於父族之下非所以貴
貴躐於父族之上非所以長長先王爲別席
之禮位於尊東夫齒以重鄉里之情爵以嚴
朝廷之分二者不可以偏廢各當其禮而已

黨正在鄉各管五百家出軍之時家出一人
則五百人爲旅黨正還爲旅帥亦如州長因
爲師帥也以法治其政事以什伍比聯之法
治師田行役之政事也人之智愚賢不肖不
同教以德行道藝使之終歲服習日就月將
至於歲首必有可書者矣故會民讀法而書
之則州長得以攷而勸之鄉大夫得以攷而
興之族師校其夫家衆寡所謂校也黨正親
往臨之間胥聚衆庶旣比則讀法所謂比也

黨正亦往臨之族間皆統於黨故也

往臨之間可聚衆庶既比則讀法所謂比也
黨正亦往臨之族閭皆統於黨故也

葉氏曰古之教者習鄉尚齒故黨正屬五百
家之民因十二月之蜡以鄉飲酒之禮而行
於黨序之學教之以尊長敬老而孝弟之道
行焉一命受職再命受服三命受位命有九
等此謂三命者以在比閭族黨言之也一命
下士與鄉里之賓同列則在鄉里者不以爵
先齒矣再命中士與父兄之族同列則在宗
族者不以爵先齒矣三命上士特設席於尊

東而不與同族者相次則齒爵不相喻矣故
祭義曰一命齒於鄉里再命齒于族三命不
齒若夫族有七十者雖三命者亦不敢先之
則依然貴親尚齒矣以此見周人親親貴貴
尚爵尚齒蓋並行而不相悖故鄉飲酒之禮
行而尊長敬老之教立民知尊長敬老而後
成教成教而後國家安也故司徒以陽禮教
讓者教以此也鄉大夫以禮禮賓興者禮以
此也黨正掌教飲酒者掌以此也故孔子曰

此也黨正掌教飲酒者掌以此也故孔子曰

吾觀於鄉而知王道之易易也然鄉飲之禮
鄉大夫必三年而始一行故命黨正於國索
鬼神而蜡之日大會民而飲酒而寓是教焉
夫蜡者索也歲十二月合張百物而索饗之
以報八神之有功於農也蜡祭之日天子且
以黃冠野服而與田夫野老相周旋於俎豆
之間籥童曰國祭蜡則吹豳頌擊土鼓以息
老物吹豳頌者告農功之成也擊土鼓者存
古樂之本也息老物者當物之既成勞農以

休息之也吹豳擊鼓與民休息其浹洽之意
何如哉故曰百日之蜡一日之澤今黨正以
此禮而行於黨序其相接之意可知也行鄉
飲之禮而尚齒以見先王節民以禮行鄉飲
之禮而祭蜡又見先王漸民以仁

族師

每族上土一人

各掌其族之戒令政事月吉則屬

民而讀邦法書其孝弟睦婣有學者春秋祭酺
亦如之以邦比之法帥四閭之吏以時屬民而
校登其族之夫家衆寡辨其貴賤老幼廢疾可

任者及其六畜車輦五家爲比十家爲聯五人

任者及其六畜車輦五家爲比十家爲聯五人
爲伍十人爲聯四閭爲族八閭爲聯使之相保
相受刑罰慶賞相及相共以受邦職以役國事
以相葬埋若作民而師田行役則合其卒伍簡
其兵器以鼓鐸旗物帥而至掌其治令戒禁刑
罰歲終則會致政事

百家爲族族師統之月吉每月朔視黨正彌
數書孝弟睦婣於族可徵實者有學學道藝
有得也不言德難族有其人酺合衆飲酒之

名禮民不得群飲春秋祭社畢相與飲亦因
 察賢能此族之教事族師管四閭閭胥皆中
 士又有二十比比長皆下士是帥四閭之吏
 也合其卒伍者族帥主百家家出一人即為
 一卒卒長還使族師為之

閭胥

每閭中
士一人

各掌其閭之徵令以歲時各數其

閭之眾寡辨其施舍凡春秋之祭祀役政喪紀
 之數聚眾庶既比則讀法書其敬敏任恤者凡
 事掌其比觥撻罰之事

二十五家為閭徵令徵召之命令大政不及

二十五家爲閭徵令徵召之命令大政不及也閭胥所治二十五家之民耳其衆寡可以數而計之施謂可任者舍謂當免者祭祀謂州社黨禴族酺也役田役也政州射黨飲也喪紀謂族相葬埋也四者皆聚衆庶以共其事也旣比之後則讀法以戒飭之不以民少而忘教也書其敬敏任恤者不以小善而不錄也比校也鱣罰爵撻罰朴鱣撻者失禮之罰不以小過而廢法也族師以上官尊讀法

雖疏數不同皆有時節閭胥官卑而於民為
近無有時節但眾比之時即讀法以上書德

一行道藝今閭胥親民更近故兼記敬敏

比長五家下
士一人各掌其比之治五家相受相和親

有臯竒衰則相及徙於國中及郊則從而授之
若徙于他則為之旌節而行之若無授無節則
唯園土內之

五家為比相受者宅舍有故崩壞相寄托有
不和者使之自相和親有罪惡則相及如連

坐法欲使不犯或國中民出徙郊或鄉民入

坐法欲使不犯或國中民出徙郊或郊民入
徙國中則使伍長自往付授明無罪惡若徙
居異鄉授之者又請旌節于鄉大夫有節乃
達鄉中無授出鄉無節非奸民則盜賊也過
所則呵問繫之圜土詰其所自來也圜土獄
城也獄必圜規主仁以仁心求其情也古之
治獄閔于出之

梁氏曰比長職之至卑者也而一鄉之治必
始於此故聖人慎焉其相受相和親也而後

善俗可以興有罪竒衰而罪必相察也而後
姦慝無所容無授無節則必因而治之也而
後寇盜反叛之徒無處之可藏無往而不獲
善有所勸惡有所懲業可以安生可以遂非
上之人慮之周而處之當曷能致是哉
漢之鄉老嗇夫亦皆百石魏之州縣鄉官悉
由吏部唐之里正村正皆以勲品宋以後則
胥下爲之矣賤而多責人不欲爲

周禮說卷之四終



浙江圖書館

浙江圖書館善本


甲登記號： 000713

一九 年 月 日

周禮說卷之四終




浙江圖書館



浙江圖書館



浙江圖書館



TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color Black